



37e jaorgank vanne



Béste Eller minse,

Ein paar jaor geleje höbe wae ug al ins gevraagd om oos door te gaeve waat veur loompe streek angere zoeëal oetgehooldj höbe.

Mét ut oug op informasie-verzamelen, höbe wae ooszelf al op versjillenje plaatse onopgemerktj waete te infiltrere. Oos streve is om in eder hoësgezin in Ell eine infiltrant te kinne rekrutere. (eine zogenaamdje mol)

Omdet oos det nog neet gelöktj is, zeen wae veur informasie nog veur ut euvergroeëte dael afhankelijk van roddels, zaever, stomme kal en loompe streek welke wae zelf konstetere of, nog altied veul te weinig via neet offisjele knale doorgeseindj kriege. Ut is zelfs toegestange, of sterker nog, gae zeetj "VERPLICHTJ" om eur eige stom streek aan oos door te gaeve.

Asdjer ug te zieër sjaamtj veur die streek, kondjer oos dao anoniem van oppe huuëgdje stéлле. (wae komme der aevegood waal achter weem de verantjwoordelike is)

Van minse woë wae niks van door kriege, gaon wae der vanoet det die get oetgevraete höbe waat ze zelfs anoniem neet door dörve te gaeve.

Wae eindige deze intro neet mét ein dank-je-wel, want wae höbe ug oetdrökkelik op ein verplichting geweze, neet op ein recht!!!....

de K.G.B. (Kwakel Gezét Biedrage)

P.S. De tekst oppe veurige bladzijde is gesjreve op 2e kerstdaag. Gae begrieptj neteurlik waal det wae, in zoeë ein gooj kerststumming noeëts in staot zeen om tekst te sjriev die hel euverkeumtj.



Ut tiem waat dit jaor bepaolendj is gewaestj veure samestélling, oetwirling, aafwirling en inwirling van deze Kwakel besteit oet:

- Nel van Krane
- Jos van Pleunis
- Elly van Verstappe
- Mia van Van Glabbeek
- Mia van Pleunis
- Wiel van Niëns
- Jantje van Deckers
- Tjeu van Claessen
- Cleo van Pleunis
- Jan van Sentjes (Larry)

## MOEËREBUUK:

Biej 't oetkoome vanne kwakel 1989, wil ich de volgendje puntje oonger eur gewaardeerdje aandacht bring.

Oppe ieërste plaast koom ich trök op 't groeëte vurlees, dät oos dörp heet geleje, wiej de Sjilder op 24 november 1988 zien taak op deze waereldj heet afgesloote. Soonger dät ich zien vurdeenste veur 't hieële dörp en anger vureinigingen wiej de Fanfare of Avanti wil vurgaete, môt ich toch zègge dät Harrie Maessen de Groeëte man vanne Moeërebuuk waas. As oprichter, op vurzeuk van pestoeër Adams, organiseerdje hae same met de besture vanne Eller vureinige:

- eine Raod van Elf
- ieërste Prins in 1952
- ieërste vorst tot ich mein 1970?
- ieërste Groeëtvorst tot 1982.

En vanaaf dät moment ieërelid van oos vureiniging, heet hae veural de ieërste twintjig jaor de Vastelaovendj in Ell geregeldj. Wae konne niks anders doon, as bliej en hieël dankbaar seen, dät wae deze mins hōbbe gekindj. Ich hoop dät wae hum nog lang in oos herinnering moge haeje as vurbielidj van eine geweldige vureinigingsmins.

Op dees plaats staon ich auch nog efkes stil bie 't aafgeloupe jaor.

Wae mooge neet vurgaete oom jeugd-prins Roy en prinses Kim te bedanke veur heure geweldige inzèt Same met heur oojers, de jeugdraod en 't comite zeen ze de Eller jeugd veurgegange in 't fieest.

Bedanktj Roy en Kim! Wiej wae uch bezig hōbbe gezeen, vurwachte wae uch euver ein jaor of vieftieën trök te zeen bie 't ( nog ) groeëtere werk.

Veurig jaor hōb ich uch op dees zelfdje plaats gesjreve, dät wae ein tamelik joonk Prinsepaar en adjudant haaje. Ich geluif, dät ich neet euverdrief as ich zèk, dät dit trio 't fantasties heet gedaon. 't Waer heet geweljig good met geholpe, de oajers vanne Prins enne Princes hōbbe zich veur 250 present achter heur kinjer gezatte. En de rest van 't dörp heet niks anders gedaon as gejuichtj en getoetj veur 't optraeje en de streek van dit boeëtegewoeëne stel. Daodoor waas dit ein van de jaore diej mich lang zal blieve herinnere!!!!!!!!!!!!



Dit jaor auch weer jubilarisse:

Wiel Niens 11 jaor  
Lowie vanne Vin 22 jaor  
Tjeu vanne Kaolder 22 jaor  
Eine dubutant: Evert Koenen.

Auch in de carnavalsvureiniging  
neet stil.



Nao dees trökblik, steit 't vizier op dit jaor,  
ein sesoeën dêt kort en krachtig zal zeen.  
Jeugdprins Marco en Princes Madeleine, Prins  
John I en Princes Ank zulle veurop gaon in oos  
aktiviteite. En wae vurwachte dêt alle Moeëre-  
buuk weer achter dees minse zulle staon, oom  
auch de vastelaovendj 1989 te doon slaage.

#### Noeëve Prinsewage:

Met veul plezeer konne wae uch oetnuuedige oom  
bie de optocht op vastelaovenj maondig de noeëve  
prinsewage te bewoonjere. As gae der nao staotj  
te kieke, dink den aan de minse die met volle  
inzet metgewaerktj hōbbe, oom dae wage inein te  
zette. Behalve dêt ex-prins Pietje eine kieër  
met ex-princes is mōtte gaon winkele tot smiddes  
veer oor en dêt den de adjudant zich eine kieër  
dik twee oor heet vurslaope en toen meindje,  
dêtdêr soonger get te doon, kos gaon darte.  
En dêt Jan Verstappe meindje dêtdêr eine negel  
in zien auch kos poppe, zeen der vanne Raod oet  
weinig strubbelinge gwaestj.

Boeëte de meiste leeje vanne Raod diej heur  
biedrage hōbbe geleverdj, mōtte de volgendje  
minse bedanktj waere.

Loeëds: Harry van der Looy heet alweer ins zien  
loeëds besjikbaar gesteldj. Ziene zoon Ivo  
waas auch geregeldj dao oom te assistere.

Konstruktie: 't Bedrief vanne gebroeders Derckx  
mer veural Mart Derckx hōbbe oos grandioos ge-  
steundj, bie 't leevere van 't matriaol en  
technische raod. Ron Breeuwer kriegtj ein  
speciaal weurdje van dank, veur 't helpe mon-  
tere en vast poppe vanne plaate. Hein Seunis  
met ziene collega Piet Geraets oet Kelpen hōbbe  
gezeurgdj veur 't matriaol dêt via Van Aarsen  
aangesleiptj is. Staalservice Weert heet auch  
ein flinke portie iezel geleverdj. Veur 't  
sjilderwerk bedanke wae ein komplieëte ploog:  
Chef D'equipe Cor van Bommel (dae auch de glo-  
bale tekening van te veur oetgewèrktj haaj),  
Jantje van Beurskes, Ben van Seunis en ooze  
Ingelse Eller Adrian. Dees manne kōste good aan  
't werk blieve, want de verf sting altieëd  
vreug genoeg klaor.



## NOG GET NOEËTS

De Moeërebuuk blieve zeuke nao vurbatteringe.  
Dit jaor eine noeëwe prinsewaage, mer noe auch  
ein mès.

Op 5 febrewari zal de hoeëgmès oom half elf  
vurzeurgdj waere door de Carnavalsvureiniging.  
Raod van elf en Jeugdraod met volle metwaerking  
van menieër pestoeër Naus (hae heet ein deil  
tekste geleverdj, net wiej auch Gert Strous)  
zulle inkel minse vanne raod ein mès samestèlle.

Wooroom dees Mès?

De meiste minse zulle 't neet wete, mer eigelik  
is de vastelaovendj door de kèrk oontstange.

De gelieërdje zeen 't der neet met ins, mer de  
naam Vastlaovendj geuftj dit duuedelik aan:  
De aovendj veur dêt de vaste begintj.

Wae meindje dêt wae der good aan deeje, oom dees  
aafkomst duuedelik nao veure te bringe, door op  
Vastelaovendj zunig de hoeëgmès op te drage  
aan de laevendje en euverleje leeje vanne vur-  
einiging. En door zelf aktief, same met menieër  
pestoeër ooze historiese bandj met 't geluuf  
aan te trèkke. Wae hoope dêt veul minse in dees  
mès aanwezig zulle zeen, soeêdê wae de vaste-  
laovendjsdaag in Ell good kónne beginne.

DE VORST JAN


## AAFSJIEDSWEURD VAN PRINS PIETJE


Bèste Moeëre en Moeërinne  
Biej deze wil ich noeë aafsjied numme as Prins  
Pietje en Prinses Christianne 1988 !!!!  
't Waas veur oos ein hieël sjoeën jaor.  
Wae hōbbe geprobeerdj 't zoëë good meugelik te  
doon, terwiel 't aaf en toe neet met veel, want  
spraeke is neet miene sterkste kantj. Mer alles  
biej ein hōbbe wae oos same hieël gegaeve.  
Biej deze wil ich auch names Prinses Christianne  
en miene Adjudant Erik eederein hertelik bedanke.  
Al degene diej oos gesteundj en metgehaolpe hōbbe.  
Noeë wil ich auch van de gelegenheid gebroeëk  
make oom de toekomstige Prins John en Prinses  
Ank eine gooje vastelaovendj toewinse. Dêt ze  
net zoëë as wae fijn vastelaovendjsdaag tegemoet  
moge gaon.

OONER 'T MOTTO:

Mèt Peter veurop, zètte wae alles drief daag  
good op ziene kop!!!!!!  
Prins Peter  
Prinses Christianne

Adjudant Erik





### Moeëre en Moeërinne:

Zoeë as gae 't mesjien  
allemaol waetj, is mich  
dit jaor de ieër toege-  
koome, oom met de carnavalsdaag te  
moge regere euver 't Moeërelandj.

Zoeëlang as de prins oet de Eller  
bevolking gekooze wurdj, is 't altied al ein wins  
van mich gewaest, oom dao auch ins bieje te moge  
zeen. Want 't liektj mich ein heerlik gevoel, oom  
der bieje te zeen as Prins van Ell. En dees onvur-  
gaetelikke daag tot ein good inje te bringe.

Mer dêet dees vurkeezing as Prins zoeë vreug zoeëj  
koome, dêet haaje Ank en ich zelf neet vurwachtj.  
Daoroom wil ich as Prins dêet dit in 1989 weer  
ein onvurgaetelik fieëst wurdj. Woeë bieje wae nemes  
mer auch nemes mooge vurgaete.

En den bedoel ich de bejaarde minse, dieje neet  
mieër zoeë good kinne, de zeeke minse, dieje op dêet  
moment in 't zekenhoeës  
ligge of de minse dieje  
zeek aan hoeës zeen.



En auch mooge wae zeker neet de jeugd vurgaete,  
want dao môtte wae 't euver ein paar jaor toch  
van hōbbe. Hiej bieje wil ich auch Prins Pietje  
en Princes Christianne van 't aafgeloupe jaor  
nog ins hertelik bedanke, veur waat dieje hōbbe  
biejgedrage aane Eller carnaval. Want laot oos  
ins ieërlik zeen, ziej hōbbe 't vurtreffelik ge-  
daon. Ich hoop dêet Ich as Prins 1989 net zoeë  
veul steun zal kriegen vanne Eller minse as anger  
jaore. Zoeë dêet wae auch 't volgendj jaor weer  
konne zēgge, dêet 't ein onvurgaetelik jaor waas  
veur de Eller Carnaval.

En dêet dit anger jaore weer herhooldj zal waere.  
Minse ich sloeët noeë aaf.

Oonger 't Motto: **BLIEF NEET STAON**

**LAOT GAON LAOT GAON**

**ASWOONSDIG IS 'T GEDAON**

**ALAAF!**

**ALAAF!**

**ALAAF!**

**PRINS JOHN I**

**PRINCES ANK**

MOEËREBUUK EN MOEËRINNEKES

Ich bin zenuwechtig mer auch bliej  
en h b mien princes hiej aan mien ziej.  
Wae weite nog neet good waat te doon  
wae staon nog neet zo e stevig in oos sjoon.

\*\*\*\*\*

Mer d t zal waal hie l snel euver gaon  
want ich staon hiej neet veurniks te staon.  
Wae wille d t gae met zien alle  
dit jaor flink gaodj carnavalle.

\*\*\*\*\*

Met die daag gaon wae veul hosse en danse  
en mesjien met de ein of anger sjanse.  
Aan de optocht gaon wae zeker met doon  
van mien paart vurklaedj as ein paar aoj sjoon.

\*\*\*\*\*

D t ich prins bin vinj ich fijn  
ich bin hie l content met mien princes Madelein  
Same zulle wae der get van gaon make  
en 't vurbielj gaeve aan diej aoj snake.

\*\*\*\*\*

Ich gaon noe stoppe, 't programma geit wiejer  
ich h b ein motto, d t maaktj uch veul bliej  
-Met Marco ein Madelein.  
-Gaon wae draan wiej eine trein.  
-Make eedere daag veul gein.  
-En kriege ze de jeugd van Ell neet klein



ALAAP!!!!

\*\*\*\*\*




**XX**  
**Derckx**

Staalbouw  
Derckx b.v.  
Nederweert

ugge PARTNER EN  
spesjalist in  
staalkonstruksies

songer de hulp, de sponsering  
en de kwaliteit van dit bedrijf  
haje wae no ts zonne sjo ne  
prinsewage gehatj.



det geldj ouch veur  
Loe n bedrijf  
HARRY Vd Looy  
dae zien loe ds  
ter besjicking  
st eldje.

## 't Gekwakel euver de kwakel 1988!!!

Nao 't oeëtkome vanne kwakel vant veurige jaor, wore der minse die meindje dêt dêt 't hoeësblaad vanne Prairie waas. Tot op zekere huuegdje hōbbe ze nog geliek auch. Mer wae wille uch effe zēgge wie dêt dêt kumtj. Oppe ieërste plaats wore 't Idie en Nol die half mei, juni 1965 der veur gezōrgtj hōbbe, dêt wae in 1988 eine Prins Pietje haaje. Pietje wae weite good dēs doeë op 19 februari 1966 geboore best. Mer doeë hōbst toch auch waal ins gehuurdj vanne bleumkes en de biekes? Dêt waas dus ein oeërzaak. Den waas 't auch nog ins zoeë, dêt der versjillendje minse benaderdj zeen, die hunne vrieëje tied doorbringe biej Tjeu of biej Quasibultj. Wae hōbbe ze toen gevraagdj of ze oos ein copie koste bezōrge euver leuke, stomme of verdreetige zake, die dao gebeurdj woore.

Dêt is dus neet gebeurdj, want der waas nemes dae gêt insteurdje. Zoeë hōbbe de minse bie Nol aant buffet zoeë links en rechts waat gehuurdj en ein kwakel vol gekwakeldj. Het is toevallig auch nog ins eine kieër zoeë, dêt eedere inwoeëner van oos Moeërelandj ein stōkske kan sjrieve. Zoeë heet hae den deil aan ein stōk volksliteratuur.



14 Ich hōb gezagdj, gaer gedaon, danke, astebleef!!!!!!!

## Hoonger!!!

Lewie, eine voetbalveteraan, most op zaoterdig laat inne middig, gaon voetballe in Hunsel. Zien vrouw Lies waas 't dao neet met ins. Toen der trōk kwaam, verdomdje ze 't den auch, oom hum gêt te aete te make. Ein vrouw oeët de naober wist hum nog net van de hongersdoeëd te redde. Ze maakdje hum snel ein krintemikbotteram met sesies. Ze haaj 't ieërst met mondj op mondj beademing wille prebere. Mer toen waerdje Lies hieëlemaol duuvels.


## Wis djer al

- Dêt eedere mins mot waerke veur zien broeëd.
- Dêt dêt neet teltj veur Thys vanne Bekker, dae baktj 't zelf.
- Dêt Piet neet mieër kan zēgge ich mot de hondj oeëtlaote.
- Dêt Wim, kermismaondjig al wist, dêt ze de hondj van Piet bedeedj haaje.
- Dêt de sjutteriej ein geweljig sjuttersfieëst heet gadj.
- Dêt der minse woore die nao dêt fieëst de hieële nacht boeëte op ein bank hōbbe doorgebrachtj.
- Dêt ze toen verginge vanne koppien.
- Dêt met Sinte Merte de oliebul hieël lekker wore.
- Dêt Lenie en Mia de lemiet veur 't speerwerpe neet gehoordj hōbbe.
- Dêt ze anders nao Seoul haaje kinne gaon.



De Noeëwe Spaarkas:

Van oeët de cefé aanne kèrk kumptj 't bericht, dèt ze eine spaarkas hōbbe opgerichtj. Ze gaon der direct flink tege aan. Want as alles good geit, den vurtrèkke ze al geliek nao



de vastelaovendj, met ein bus nao Pariës. Ze gaon dao de Notre Dam bezichtige. Want asse dao geine mins haaje gadj met eine bultj, den haaje wae in oos dôrp mesjien ein cefé gadj soonger naam!!!!!!

\*\*\*\*\*


Opsjupper:

Dèt Wiel eine opsjupper is, dèt is toch waal algemeen bekintj. Tiedens ein biejeinkomst veur dees kwakel, waas der weer aant strooffe, dèt hae tiedens 't kiene met 12 tot 15 tasse koffie kost loupe en roondjbringe. Dèt hae dèt kan, dèt is zoeë, mer dèt der mer met ein stök of 5 oppe plaats van bestumming aan kumptj en dèt de rest den oppe grondj ligtj, dèt mōte wae den weer huure van anger minse. Wiel as dèt se nog ins groeët wilt doon, gank den obere woëë gein minse van Ell koome!!!!




\*\*\*\*\*

stief wiej ein hout.  
laotj ug den mer ins knaetje bij



BECKMAN EN JEURISSEN



DET ÔZE TUMMERMAN  
zoeë good waas

WIEL  
BEURSKENS

Zeejtj gae eine door de wol gevefdeje, gaotj den veur eur bōlkes nao Wolboetiek „Boefie”



Fieëstaovendj: D e Winning.


Ein paar waeke geleje waas der fieëst van de Winning in "Ellenhof". Noeë zulle der in Ell mesjien nog minse zeen, die neet weite waat veur ein vereniging dët is. Dët zal ich uch ins gauw vertelle, het is gein dartclub of zoeëgët mer eine moderne naam veur leeje vanne boorebondj.

Noeë waas der in Ell eine mins, dae zich same met zien vrouw opgegaeve haaj veur dët fieëst. De hieële daag haaj der gewèrktj en gerendj om oppe tied klaor te zeen. 't Leefst haaj der de kuuej smurges auch alweer veur saoves wille mëlke, mer dët ging nuteurlik neet. Dët waas nog neet 't ergste.

Smiddigs oom ein oor of veer begos de ellenje pas te gooj, toen hum 't gebit in twieëje braak. Och god zeet hae tege zien vrouw, waat noeë gedaon? Ich kan toch neet met ein leeg moeël nao dët fieëst gaon. Waet ze waat, zeet der, ich prebeer 't zelf aan ein te plêke met gët velpon. As ich dët noeë ieërst doon, den kan dët nog ein paar eurkes druuege.

En kan ich 't straks weer indoon. Jao zeet Wilma, den duuiste mer kalm aan met aete, allein waat zaogt en good verteerbaar is. 't gebit waerdje gerepareerdj en Tjeu ging verder met zien werk.

En zoeë waerdje 't aovendj en tied oom nao dët fieëst te gaon. Tjeu waas trots op zien eige, dët hum dët zoeëgood gelöktj waas. Met zien gebit weer in en vol gooje mood ginge ze den auch nao dët fieëst. 't Haaj




de hieële aovendj good gegange met aete. Nemes haaj der den auch gët van gemêrktj dët zien gebit kepot waas. En Tjeu haaj der auch gooje aard aan. Op ein gegaeve moment zeet eine kinnis van hum, Tjeu doe best om 12 oor jaorig, dët motte wae neet vergaete. Potverdikke zeet Tjeu tege Wilma dët ze dao noeë auch nog aan dinke. Mer vanne angere kantj vonj der 't neet erg, veur 't zelfdje geldj, haaj der de fieëstaovendj motte misse, allein door dët stom gebit. En zoeë waerdje 't al snel 10 oor. Tjeu droonk nog ins rojaal aan ziene pils en veuldje toen plotsklaps gët bewege in ziene mondj. Hae waerdje roeëd en wit tegeliek. Nondedjuue, zeet der tege Wilma, dae lommel lieëtj weer los. Waat noeë zeet Wilma, wae kinne noeë toch neet heives gaon. Zeker neet noeë dët ze dadelik jaorig best. Jê, zeet Tjeu den gaon ich mer efkes heives, en plek 't mer weer aanein. Zoeë gezagdj zoeë gedaon. Tjeu geit heives oom zien gebit te reparere en Wilma duuit nêt of dët der niks aanne handj is. Mer toen 't dae kinnis opveel, dët der lang oppe W C bleef, kwaam toch de aap oet de moe. En hōbbe ze der later nog hertelik oom gelache. Wae vanne redaksie hōbbe der niks mieër van gehuerdj. Wae dinke dët Tjeu met ziene verjaor-daag van zien vrouw ein noeëw gebit gekrege heet.

\*\*\*\*\*



Wis djer al:

- Dê Rogér zien lenze kwiet is gewaest.
- Dê hae ze met 't waswater nao boeëte goeëdje.
- Dê Francien hum toen heet môte helpe zeuke.
- Dê Antje as ze nao nutte films kiekjtj de leeëte oeët duuit.
- Dê ze dêt duuit oomdêt ze anders bang is, dêt ze heur den zeen zitte.
- Dê eine cefé haojer van Ell Noeëwjaorsmurge de deur toe haaj.
- Dê der toen nao de noeëjaorsreceptie vanne gemeindje hear waas.
- Dê der toen eine klantj waas dae toen in ein anger cefé zien verteer most gaon zeuke.
- Dê as djer as publiek weer zoeë good mêtweèrktj as veurig jaor, de boontje aovendj noeë auch weer zal slaage.
- Dê wae vanne redaksie hoope dêt gae weer allemaol met doodj aane optocht.
- Dê 't Meuleveldj twieë noeë nog eine groeëte modderpoel is as veurig jaor.
- Dê ooze jeugdprins al ein blauw aug heet opgeloupe.
- Dê de jeugdprinces is onstange oet eine moeëreboek en eine geitebok.
- Dê oos noeëw princes met diej daag op Vitamine B laeftj.
- Dê bieJ Tjeu snoternaze bieJ de dârtclub zeen.
- Dê die snoternaas nog neet bekwaom is veur te darte.



nog neet gedèktj tege alle risico's?  
Knape verzekeringe wètj wal raad.



cefeej-bar "Quasi-Modo"  
ôze noewe.  
blijftj ope tot hae tege sloetestied de klokke geit loewe.

Waas eure fiets neet verzekerdj?  
Goatj den ins kieke bieJ Albér.  
(unne angere Knape.)



Ein paar dames oeët oos dörp, beoefene driftig de kegelsport. En met sukses, want ze zeen al ein paar kieër kampiöen gewoore. Mer door 't ein of 't anger

hübbe ze leeje te kort. Want met die paar woeë dët ze noeë met zeen, goeëje ze zich de barste. Links en rechts waerdje al ins gevraagd. Oom hun te versterke . Mer nop. Dus mer ein advertentie int kontakt-

blaad gezatte. Waarrempel dao beltj dich toch ein vrouw oeët Haalder op, diej waal interesse haaj. Zoeë waas ongevieër 't volgendje gesprêk:

Vrouw oeët Haalder: Ich hōb gelaeze, dët gae leeje veur eur kegelclub zeuktj. Waat hultj dët eigelik in?

Mien: Vrouw kiekjtj, wae gaon eedere maondig nao Kelpe, oom te prebere oom 9 kegels oom te goeëje.

Vrouw oeët Haalder: Nao Kelpe, is dët neet gët wieät?

Mien: Jê vrouw, zeetj ger, hieëj in Ell is nog geine kastelein zoeë slum gewaest, oom ein kegelbaan aan te lègge. Dus motte wae waal euver de brök.

Vrouw oeët Haalder: Nou jê, waat dootj gae nog mieër as prebere?

Mien: Wae doon auch met aan wêdstrieëde, en dao veur motte wae de eine kieër thoeës speule en de angere kieër gaon wae oeët.

Vrouw oeët Haalder: Mer as ich bie j uch koom kegele, den kan dët neet bie j mich thoeës. En waat bedoeldj gae met oeëtgaon? Op stap gaon soms?

Mien: Nae vrouw, gae begriepjtj mich vurkieërtj. Met thoeës bedoel ich, dët wae in Kelpe speule. En met oeët as dët wae nao Meijel of Heitse of op nog anger plaatse motte gaon goeëje.

Vrouw oeët Haalder: Good, dët snap ich. Mer wieveul is de contributie, as ich vraoge maag?

Mien: Oh, dët is vieëf tieën gulje.

Vrouw oeët Haalder: Is dët per jaor?

Mien: Nae, dët is per maondj.

Vrouw oeët Haalder: Per maondj, zeen dao den de reiskoste en konsumsies bie inbegrepe?

Mien: Mer vrouw wie koomtj gae dao bie j, de drank motj ger zelf betale.

Vrouw oeët Haalder: Nou zeg, den vinj ich dët mer ein deur bedooning, as ich dët zoeë maag zegge. Dao mot ich mich toch nog ins euver bedinke. Gae huurdj nog waal van mich.

Mien heet toen geslage de telefoon nieërgelagd. En vreugtj zich nog steeds aaf, welke booretien oeët Haalder dët waal gewaestj kan zeen.

\*\*\*\*\*




VeUR ei  
sjoëën bleumke  
of plentje  
nao Verhaag!

Hoie he



VeUR ein lekker wörsje, lepke  
of sjiefke, nao  
ôze slechter.....

De echte carnavalsveerders zeen minse, die met vastelaovendj op wintjersport gaon. Gelooge mer allê! Die minse weite auch dêt langs de pistes!! 't woord zeet 't al, everal van die hueskes staon, woëe ze den ins kinst piste. Noeë is Mia de vrouw van ooze groeëtvorst eine echte moeëreboekfan. Dus die blieftj hiej met die daag. En waetj dus niks van skieën en après skieën aaf. Toen ze aanthoeës ins aant kalle woore euver aafdalinge en skilifte kost ze der neet euver met kalle. Toch haaj ze ein branjendje vraog. Wie môt dêt noeë as dêt djer ongerweges nao de W C motj? Jê, mam, dao zeen everal van die stopplaatse en dao zeen hueskes zaat. Oh zeet Mia toen gans verwoonjerdj, hoe lank zeen die den in godsnaam, dêt gae dao met die lang latte oonger nog op kintj? Mer Mia, zeetj mer geröstj, die lang latte kinse ongerweges oeëttoon.



### Hieëringhappe!!!



Aswoonsdig 1988. De meeste haaje nog ein bietje dorst en auch waal zin in ein hieëringhappe. Mer Lies neet, die haaj leever baverois, die ze dae daag te veure bie de kastelein gegaete haaje. Gein puntj, ze kreeg eine flinke tepper van dae pudding. Mer oos Lies ein echte fieën preufster, vonj der niks aan. Dae pudding die de vreulune vanne Bekker make, dêt is pas echte baverois. Mer 't is toch auch gein combinatie, as aan de eine kantj naeve dich eine zitj met eine groeëte pot beer en aane angere kantj eemes met eine zoore hieëring. Volgendje kieër baeter Lies.

\*\*\*\*\*

### Hieëringhappe!!!

Aswoonsdig 1988. De minse die nog ein bietje nae dorst haaje, kregen bie eine pot beer eine lekkere hieëring. 'T Begintj bienao 't zelfdje as dêt verhaol van Lies, vindj gea auch neet? Mer dit geit euver ein cefé aane kèrk, de geboggeldje. Nae neet euver Thijs persuenlik. Dao kreegste veurig jaor neet allein hieëring, mer auch broeënpaters en zwart broeëd met huidvleis. Wae wete nog ein lekker-nieëj, diej der kan servere op dae daag nae die daag. Hae mot merins 't récept aan Rika vanne Kaolder vraoge, van dae sjelvès in gelei. Wae wete denhieël zeker dêt der veul minse kome.

### Hieëringhappe!!!

Noeë wurdj 't eintoeëning wor? Mer dit geit neet direct euver hieëringhappe. Mer euver dae anger kastelein hiej oeët 't dörp. Veur hum waas de vès opaswoonsdig waal erg deur. Hae leep te verrèkke vanne pien. Waat waas de met hum gebeurdj? Ze haaje met die vastelaovenjsdaag met hum gegoeëdj. En toen hōbbe ze hum laote valle. En noeë haaj der eine erm inne dook. Tja Tjeu dêt kumtj der van asse met dich leutst judasse. Asse noeë die anger cefé gadj haatst kost wae zègge:

"Eige sjuldj dikke bultj"

\*\*\*\*\*

asdjer deenktj:  
"Det hōbbe ze neet"  
goatj den toch mer  
effe noa

Jan en Mia Govaerts.



veur veul geluid  
en good leecht  
nao Hub

de zale-accommedatie van


Nol en Ietje,  
veur eine gezellige  
pot beer, ein fieëst  
of vergadering.



Wis djer al

- Dê Sjang gaer emes bie de puuej paktj, mer dê der zelf oom te ploffe is, asse hum te graze numme.
- Dê der minse zeen diej Stress kriege vanne kwakel.
- Dê men de kerstbueem neet in juni al mot aafdoon.
- Dê ze anders al ruisele met de kerst.
- Dê as Lowie flōtj, hae neet zoon gooj zin heet.
- Dê 't met dê slipje van verleeje jaor, toch anders gebeurdj waas volges Sjang.
- Dê noeë 't hoeëshaoje bie Bekkers Sjeng kleiner is gewoore, ze auch de kwakel neet mieër hoole.
- Dê Pietje dèk en gaer everal slieëptj.
- Dê der meindje dê de sjouw bie Tjeu de piskak waas.
- Dê 't bie Tjeu sunjes smiddes dèk karnaval is. Zoeë druk is 't der den, zoeë sjoen vurklaedj zeen de minse den en zoeë netjes besjilderdj.
- Dê ze oppe sinterklaos middig vanne bejaarde de rolle hōbbe motte oondreije, omdê de kleijer neet pasdje.
- Dê Thijs vanne bultj sjoen kan verbouwe.
- Dê Thijs ein fieëst goof omdê der 't ein jaor volgehaoje haaj.
- Dê wae eine noeëwe burgemeister kriege.
- Dê dae noeëwe burgemeister plat mot kinne kalie, met de minse mot kinne oomgaon, eine pot beer mot luste en mot weite waat karnaval is.

Zoeëj dae noeëwe Prins den auch burge meister  
waere??



Geheime pliesie.

Hiej in 't dörp is eine persoeën, dae se regel-  
matig inne telefoonsel aantrefst. Hae is den  
auch steeds driftig aant belle. Noeë zeen der  
minse oet oos dörp, diej bieje oos redaksie geinfor-  
meerdj höbbe. Of 't sooms waor is, dêt Baer geheime  
pliesie is en oos berichte door seintj.  
Dêt wete wae auch neet.....

\*\*\*\*\*

Wooroom huulste Berta?

Miene man is al twintig jaor kooledrager en vandaag  
wurdj der door eine auto aangereje. In 't zekehoeës  
höbbe ze hum ein bad gegaewe en veur de ieërste  
kieër in mien laeve zeen ich dêt hae eine neger is.

\*\*\*\*\*

Bin ich te laat?

Terwiel Tooke met de krolspelle inne haor en de  
voeëlnishak inne handj nao de voelnis kêr rentj  
en vreugtj bin ich te laat.  
Nae waas 't antjwoord, spring der mer snel in.

\*\*\*\*\*

Dêt kloptj:

Weem is tegeliek maagd en mooder? vreugtj pestoeër  
aan de lieërlinge van groep drij.  
Moeder Overste, zeet Treeske.



\*\*\*\*\*

De Steedpauze!!!!!!



Laotj uch ins Lekker bieje  
eur puiit pakke  
door: Wies van Hover  
of  
Ria Smolenaars

Zitte eur hoan  
neet good of inne weeg  
den nao Tiny




As eur bieëstje  
get mankeerdj,  
gaotj den vlot nao  
ôs dierekliniek.



## De Sjeetboom!!!!!!!!!!!!!!

Zoeë as eederein waal waetj,  
heet de sjutteriej gein  
plaats mieër om de sjeetboom  
te zette. Op ein biejeinkomst  
veur de bontje aovendj, waerdje  
dao auch ins euver gezaniktj.  
Zoeëj der waal of neet gêt met  
gedaon môte waere? Zoeëje wae  
de dwarsligger waal of neet  
eine hak zette? Volges Fer dus  
neet, want hae waas inne ver-  
ongerstelling, dêt ze op ' t  
industrieterrein in Ittervoort  
eine hieële groeëte sjeetboom  
aant plaatse wore. Deze zoeëj  
den veur alle sjutterieje vanne  
hieël gemeindje zeen.  
Waat is dae Fer toch stôm.  
Want zoeëj hae neet wete, dêt  
dêt eine oeëtkiektoore wurdj  
veur jeloerse vrouwe?  
Van oet dae toore kinne ze tege  
betaling eine blik werpe oppe  
E 9 Bar. Oom te zeen of heure man  
neet eurges anders koffie geit  
drinke.



## Voetbaltransfer!!!!

Oeët de gezèt koste wae vernumme,  
dêt Peter vanneVen wèg wildj oeët  
Belsj. De naam vanne plaats is  
mich te moeilik om te sjrieëve.  
Noeë zeen der minse die meine  
hieël zeker te wête dêt Peter in  
Ingelandj geit voetballe. Wie ze dêt wiste?  
Gans gemaekelik, ze haaje gezeen, dêt Mien, zieën  
mooder, al aane linkse kantj inne auto zaat.



=====

## Voetbalfan


Jantje waas met zieën zöster op zunjig middig gaon  
stappe in Meseik. Mêt de nuuedige potte beer op,  
kwaam der later oppe daag trök in zieën stamcafé.  
Dao huurdje der, dêt de voetbalclub van Ell  
weer verlore haaj, Gelökkig mer, zeet Jantje  
toen met ein dikke tong, dêt ich vandaag op  
stap bin gewaest. Den hōb ich mich dae sores  
van ' t aankieke weer bespaardj.  
Noeë motj gae wete dêt Jantje in gein  
jaor of daag ein voetbalveldj mieër  
gezeen heet.. Biej deze kriegtj hae  
den auch de roeëj kaart!!!!!!!!!!






Veur ein verzekering,  
ein reis, geldj teveul  
of nuedig veur ein bank,  
noa de BANK.

Wildjer get poote veur  
de seer.....  
den nao Sjra of  
Linders heir.....



veur get sappigs  
NAO MOORS EN  
KOPPEN



Ein oeët de handj geloupe grêpke:

Met diej vastelaovens daag gebeurdj djer op ein paar daag tieëd eigelik vanalles. Auch oeëts streek diej angersters oeëtvalle as eigelik de bedoeling waas. Zoeë dus auch aafgeloupe jaor. Geer, Hans en Leo zoote bie j Tjeu vanne Slechter. 't Waas der eine gezellige drökke boel. Dao waerdje gehostj en gesjoekeldj en nuteurlik flink gezoope. Geer haaj al ein behuuerlik stök inne kraag, dêt mêrkdje se aan zien spraeke. Wiej mieër dêt der spriktj wiej zater dêt der is. Zulle wae dadelik ins met Tjeu gaon goeëje, dêt is weer ins gêt angerster waas zien idee. Dao haaje zien kammereuj waal oeëre nao. Wiej Tjeu den auch met ein vol deenblaad beer naeve kwaam, waerdje der ieërst mer van dêt blaad vurlostj en toen waerdje der zelf gepaktj. Hae waerdje wie eine bal roondj door de kring gegoeëjdj. Op ei gegaeve moment kwaam der bie j Geer aan en dae leet hum as eine kook valle. Dao waerdje nuteurlik hertelik oom die kapriole gelache. Tjeu kost neet mieër doon as met ein kombinatjie van ein kwaad en pien gezicht weer achter de tapkast kroeepe. 'T ging echter steeds slechter met ziene erm. s' Aoves is der heives gegaon vanne pien en sangerdaags nao de dokter. "Neet waerke met dae erm waas zien advies". Tjeu heet toen de betreffendje joonges opgebeldj, oom eventueel gêt van heur verzekering te krieger. Of dêt der gêt gekrege heet weite wae neet. Hae is der waal 3 maondj zeut met geweast.....

Doonderdig middig, bejaarde middig:

Inne jeugdruemdje van Ellenhof.

De leiding waas de sleutel vurgaete. Mia van Sjeng most mer efkes oope doen, want die waas toevallig inne zaal aant waerke en haaj auch eine sleutel vanne jeugruemdje. Wie dêt de bejaarde den toch allemaol binne woore en einmaol op heur plaats zoote, waas dêt opgelostj. Mer noeë zaat in ein anger ruemdje vanne zaal eine joong vanne K P J te wêrke, dae dao niks van gehuerdj haaj. Wiej dêt der toen zich wêrk aaf haaj en heives ging, sloot der achter zich de deur.

Hievan haaje de bejaarde niks gewerktj tot dêt Pièrre van Berbe tege sloeëtingstied nog efkes nao de W C wildje gaon en bemerkdje dêt de tösse deur gesloote waas. Hae vreudj aan ein vanne helpsters de sleutel. Mer nemes haaj der eine. Toen waas groeëte peniek. Wae zitte opgesloote zagte al ein paar minse. Sars stông al drek op en ging veur de vinster staon, de gerdien aanne kantj. Hae zweidje en sjrieëwdje oom hulp. Hae meindje al drek eine raam in te goeëje. Mer Pièrre van Berbe haaj ongerhandj al ein popes oppe deur geboonktj met ziene wanjelstek, zoedeedê Mia weer op dêt geluid aaf kwaam en de deur weer oope maakdje. Soomige minse zoote rustig met heur tas koffie en angere leepe met ein wit gezicht in peniek roondj. Mêr mêr zeet Mia gae zitj hiej toch werm en druueg. Dêt waas veur soomige minse te veul en die koste der den auch niks met lache. Volgendje kieër baeter!!!!!!!



VEUR EÏN STERK  
DRENKSKE OF PILSKE  
SLIETERIE 'BACCHUS'

Veur eur dagelikse  
boeëdsjappe

nao FRANS + Nellie




P. Custers  
RIJSCHOOL

dea hulptj  
uch op weeg.

### De Bèste sjut vanne handjboog:

Zoeë as veul van uch 't al wete en mesjien auch neet wete, is der op zunjig middig sinds bienao ein jaor bie Jjeu veul vurangerdj. 't Geit der ein bietje ruuiger aan toe. Dêr ruuiger volk kumtj van heinde en ver, vanoet ver in Belsj Oet de verste heuk van Thoeër, Rooy en anger dörpe koome ze nao Tjeu. De joong en maedjes met heur laere jeskes en lang haor, met of soonger moter. Dao wurdj den auch hieël gêt aafgezoope. Oonger de geluide van Heavy-Metal-Music. Zoeë lang der niks vurkieërs gebeurdj endêr is bienao altied ut geval, is der niks aanne handj. Op eine bewusdje Kerst middig, haaj eine joong, laote wae hum veur 't gemaak Peter numme, met gedaon aanne sjeetwedstried vanne handjboog. Hae haaj hieël good gesjote en besloot dit heugelikke feit te veere met ein paar vrinj van hum, die der inne cefé getroffe haaj. Dêr veere ging gepaardj met de nuuedige drank en dêr haaj ein bepaoldje oeëtwèrking op 't gemoot van ooze Peter. Hae waardje steeds lolliger, mer haaj auch steeds mieër plaats nuuedig oom zich staondje te haoje. Toen hae den nao lange tied toch ins ging pisse, stoeëdje hae op ziene weeg nao de WC, tege inkele vanne groep zwaare jonges. Hiej euver maakdje die den auch ein bepaaldje opmerking, mer Peter begreep dit vurkieërdj en waas den auch behuuerlik op zien tieëne getraptj.


Hae vurkieërdje op dêr moment in toestandj van oorlog. Hae zindje vraak op ein van diej joonges, diej hum zoeënêr haaje beledigdj en oeëtgelache. As eine echte Robin Hood hooldje hae zien boog teveursjien en begos dae op zien doeëje gemaak in ein te zette. Nemes begreep waat Peter van plan waas en leet hum mer begaon. Allein Tjeu zaag de One Man Show neet zoeë zitte. En besloot in te griepen. Sjete met peil en boog kan mer op ein plaats in mien cefé, en dêr is achter oppe baan. Hae ging nao Peter haer en vroeg hum vrinjelijk zien handjboog weer oetein te numme. Oom Peter eindelijk zoeë wieët te kriegere, haaj Tjeu al zien euvertuuegingskracht nuuedig. Peter staakdje zien aktie en vurklaordje dêr hae hieëlemaol neet van plan waas te sjeete. Hae woeëj allein mer eemes met eine Picasso op ziene erm, ins behuuerlik de sjrik aan jage.





Plezeer veur  
groët en klein  
mèt ôze  
amusements-  
specialist

"Clown Kepper"



veur ein good  
advies en get  
lekkers,  
goatj den  
gaww noa  
DECKERS!

De Twieë Vurdachdje:

Twieë Eller dames, veur 't gemaak numme wae ze Marjo en Wilhelmiën. Nao eine aovendj doorzakke in Wieërt met de nuuedige pilskes op en gekke zeiver vloog de tieëd oom. 't Waas al roondj twieë oor, toen de dames richting Ell ginge. Ze stopdje bie de boorebondj oom nog gêt nao te zeivere, terwiel de moter vanne auto dreidje. Mer op ins kwaam der eine auto met ein rot vaart en groeët leegt aan op heur aaf, stopdje en ein paar seconde later reej der de Seringestraot in. Noeë gaon ich toch heives, zeet Marjo tege Wilhelmiën, want dit vurtoeëw ich neet hieëlemaal. En jaowaal huuer, dao kwaame de dames sangerdaags al achter, toen de plie oppe stoep stoong. De pliesie haaj heur auto nummer door gekrege. Waat waas noeë 't geval. Dezeldje nacht hōbbe der geprobeerdj oom oppe Seringestraot in te braeke. Mer Peter haaj geroomel gehuurdj en waas gaon kieëke. De inbraekers woore der tōsse oeët gegaon richting booreboondj, woeë ze de auto haaje staon. Peter is ze toen gevolgdj tot bie de Tos in Wieërt, woeë dēt hae ze kwieëd raakdje. Toen mer oomgedreidj en trōk nao Ell. Dao zaag der bie de boondj eine auto met dreijendje moter staon. Dus Peter waas 't dae dēt kinteiken haaj doorgegeave aane pliesie. Achteraaf zeen de dames tien auch vriejgesproke!



Eine man kumtj smiddes thoeës en vindj zien vrouw vreemdj genoeg, poedelnaaks inne slaopkamer. Waat lupst doeë hiej midde oppe daag, in diene bloeëte roondj. Mer ich hōb niks oom aan te doon waas 't antjwoord van zien vrouw. Doeë köpst mich auch noeëts niks. Heure man rietj kwaod de kleijer-kast oope en wieëstj eine hieële boel kapstuk met kleijer aan. En dit den: ein, twee, drie, veer, Nico ooze buurman?, vieëf, zes zeve.....



Tienager tege verkoupster!!!!

Ich zoeëj dit klaedje wille, mer as mieën mooder 't noeë sjoeën vindj, maag ich 't den koome ruile tege gêt anders.

Mien vrouw vreugtj mich noeëts woeë dêt ich haer gaon.

Vurtrouwdj diej dich den blinjelings?

Nae, ze geit altieëd mêt.



Ich beweer dêt de tilleviesie de gezèt noeëts zal vurvange!

Wooroom zeeste toch zoeë gêt stooms?

Hōbst doeë al ins geprebeerdj oom met de tilleviesie ein vlieg plat te slaon!

!!!!!!!!!!!!!!!!!!!!!!!!!!!!

Deur Fieëstdaag:

Dêt wae neet veul copieje doorkriege van joong luuj, mer allein komentaar, dêt is mesjieën nog neet ins zoeë erg. Want asse 't môst hōbbe van Marianne, den hōbbe wae met ein artikel de kwakel vol. As ze teminste duuit, wie met dêt briefke vanne slechter. Ze geit veur Kerstmis inkoupe doon biej Haariej vanne Slechter. En hultj mer geliek 't boeëtsjappe liestje in heur knipbeurs. As Merieke heur den op aodjaorsdaag weer steurtj, den kumtj ze hieël rustig trōk met alles weer veur eine complete kerstdiner. Jao, waas 't komentaar, ich dacht al, waat geit oos mam der weer deur tege aan.

Allein tante Tooke kōst der hertelik met lache. En Bèr heet noeëjaorsdaag lekker gegaete!!!!



\*\*\*\*\*

Wis djer al:


- Dêt ein gooj sjup biej de gemeindje noeëts gesleepe hoeftj te waere.
- Dêt der eine kastelein waas, dae dacht dêt der neet zaat waas, mer zeek.
- Dêt der waas vurgaete dêt der van acht tot ein oor haaj gedardj.
- Dêt asse ein laere pet hōbst, ze sunjes smiddes binne moogst biej Tjeu.
- Dêt Nol auch ein laere pet heet.





ein mikske,  
bruëdje of  
gebekske,  
gezondj en lekker  
van oze eige  
WERME BEKKER!

de taxi veur  
eur vieë,  
laotj ze rieje  
door Wiel Geenen



te krap, te groeët,  
te wied of veur  
ein noew Pekske  
modjer bieje  
"DE SJRUËR" zeen.

EINE NOEWE JAS.

Eine mins van Ell kocht zich eine sjoëne laere jas. Hae haaj hum eine kieër of veer aangadj en kôst toen dêt verdomdje dink norges mieër vinje. Och waas 't comentaar van zien vrouw, doe bêst altied alles kwieët. Den is 't dien portemenee, noeë weer diene jas. Doe zulst hum waal urges achter gelaote hōbbe.

kōptj zich mer  
Nog sjoëner en  
auch. Hae heet  
aan gadj en waat  
Nae hae is hum  
De sjutteriej  
Gae zultj uch  
waat heet dêt



Effin hae  
weer eine  
nog deurder  
hum eine kieër  
gebeurdj der?  
neet kwieët.  
trektj droeët.  
waal aafvraoge  
noeë weer met

dae jas te make. Mer dêt zulle wae uch effe duuedelik make. Dêt menke heet eine zoon bieje de sjutteriej. Dae heet auch ein uniform. Zoeë as 't ein net lid betaamt, heet hae zien sjuttepak op eine hanger hange. Wie der noeë dêt pak oëet de kast pakdje en van 't knaapje ( dêt is hollans ) pakdje. Waat zitj der onger dêt sjuttepak? Good geraoje, 't laere jeske van pap. Oeëteindelijk kreeg de vrouw hiejvan de sjuldj. Want diej ruimptj alles op. En waetj den neet mieër woëdêt ze 't gelaote heet. Wae vraoge oos noeë aaf, zoeëje der plaatse zeen woëdeët det neet woëë is. Jao, veur Bèr vanne Tuuet, dao geldj dêt heet veur!!!!!!!

D(st)ieëreleid!!!!

Wiel eine vieëkoupman oeët oos dôrpke, haaj  
 groeëte pech. Biej 't oeëtlaaje van zien  
 bieëste waerdje hae mich toch euveroup  
 geloupe, door eine flinke stier. Hae  
 zelf waas boontj en blauw. Hae haaj  
 auch vanalles gekneusdj. Ocherm  
 dae erme hannes. Hae most noeë  
 op krukke rondj stroompele.  
 Ein kneusje zoeë gezagdj.  
 Zien vrouw Mia most hum in  
 en oet de vrachtwage helpe.  
 Toch ging der waerke, want hae  
 kost 't aan thoeës neet haoje,  
 meindje der. Mer dêt is te begriepe  
 zonne helle waerker. Mer ein dink vraoge  
 wae oos noeë aaf, wiej zoeëj dêt gaon biej de  
 Smeed in Hunsel. Wae höbbewaal gehuurdj, dêt der  
 doa hieëlgood zelf in en oeët de wage kost!!!



\*\*\*\*\*

Wis djer al

- DêT Tjeu van Lemme weer inne buut steit dit jaor.
- DêT ooze Prins Pietje zien Prinses veurig jaor ontveurdj waas.
- DêT wie ze weer trök waas uach nog geblesseerdj waas uach.
- DêT der auch oeëts sjoon blieve staon op 't kiene

Eur kiekjes groeët of  
 klein bie John zeen ze  
 allemaolaeve fein.



Veur al eur tegel-,grondj-  
 klinker-en sierwerk  
 nao Wim

Vörs van 't béd,  
 ein lekker paddesteulke  
 van Jo of Lowie .....





## Straof.

Eine man hiej oeët de buurt, most weges drankmisbroeëk, ein paar waeke op vecantie in ein tehoeës met van die spielkes veur 't vinster. Hae kumtj op ein kamer bieje eine dae sjenbaar al langer dao is. Oos drankorgel vreugtj hieël metlaevendj, wie lang most doe hiej blieve?

Laeveslank. Waat hōbste den in godsnaam oeëtgevraete?

Jê zeet dae kamergenoeët, eine pliesie inne handj gesjote. Jao mer dao kriegste toch neet laeveslank veur? Normaal neet, mer ich kos der auch niks aan doen, dêt dae pliesie, wie dêt ich sjoot, zich aan zien oeër krabdje! ! ! !



Wis djer al

- Dêt Wiel ein good mascotje is bieje 't kiene.
- Dêt de vinsters van Tjeu auch weer deze kwakel gehoordj hōbbe.
- Dêt as Sjeng flōtj, dêt hae den gooj zin heet.
- Dêt toen Paul nog in Ittervoort woeëndje, hae mieër bieje Nol kwaan, as noeë dêt der in Ell woeëndj.
- Dêt Tjeu en Frank wedstrieëd haoje, weem der mieër oore riedj inne waek.
- Dêt Tjeu van Miet noeë lekker werm zitj.



## De Warekeuring.

't Is bekintj dêt in cefeës, friettente en winkels regelmaotig de warekeuring kumtj kieëke, of alles der waal zuuver en netjes bieje liktj. Zoeë kwaan op eine zaoterdig middig auch eine mins bieje Tjeu binne. Tjeu waas aant kaarte met ein paar klantje. Dae vreemdjeling dae binne kwaan zag, "Ik ebn van de warekeuring, mag ik eens even rond kijken?" Tjeu dae anders neet op zien moel gevalle is, versjoot al ein bietje.


"Jao, jao is good," zag der mer. Dae mins bekeek alles ins good, inne kestjes en inne koelkast en zoeë. Dêt waas allemaol good. Auch ging der nao de hieëre W C. "Waarom hangt hier nog steeds geen deur in," zag der tege Tjeu. Jê zeet Tjeu toen met eine roeëje kop, de klantje hoole ze der mich steeds oet of ze sloope ze mich. "Ik ben al drie keer hier geweest en steeds hoor ik wat anders," zag der. "Als ik weer kom staat die deur erin", zag der "anders moeten we maatregelen nemen."

En Tjeu mer weer hieël plechtig beloofdj dêt die deur drin zoeëj kome. Wiej Tjeu der zich de volgendje kieër weer oetlultj, dao zoeëje we gèr bieje zeen.

\*\*\*\*\*



veur fieëste  
en kampieëste  
nao ôs  
gemeinsjapshoes




ELLENHOF



is eure auto eine  
groëte zoeplap?  
garage Hemels heet  
eine goolie tap.

VEUR MEAL EN DE REST


LLTB.



DE  
WERK  
TUIGEN

' t Hoeësorkest!!!!

Wae kinne 't toch neet laote, mer dit geit echt nog ins euver Nol. Aafgeloupe zomer waas der op stap inne Alpenhoorn in Belsj. Dao speultj de kastelein zelf veur disdjockey. Nol waas der dungelsteboove van en zag, dêt gaon ich bie j oos auch doon Ietje. Dêt trektj altied klantje. Mer met zoon spraekef as dich, zeker neet zag Ietje. Mer Nol bleef breuje oom 't cefeé bezeug gêt op te veizele. Idie haaj dêt gezeiver ein paar maondj aangehuurdj en ongertusse zelf auch al ins euver geprakezeerdj. En dao haaj ze mich toch ein gooj ingaeving. Waat duuit ze? Met Sinterklaos kocht ze veur Nol eine trekzak, zonne echte aojerwaetse monica. Nol dae waas ieërst stôm vurbastj. Mer toen Idie hum 't plan oeëttag, toen ging der oeët zien daak. Jê, zag Ietje, ich haaj zoeë gedacht, as doeë noeë geist speule, en ich gaon dao bie j zinge, den hōbbe wae altied laevendje muziek. Nol is noeë driftig les aant numme en Ietje is al ein paar maal in Rooy gesinjaleerdj. Der zeen minse, die j meine dêt ze heur al hōbbe huure zinge van Vader lief toe drink niet meer. Mer dao haoje wae oos boëte. Dus bèste minse as djer weer ins gêt te veere hōbtj, den kinne wae uch noeë al vurklappe, dêt gae de muziek der gratis bie j kriegtj.



## Oos Aller Andre.

Höbtj gae hun auch gezeen op Kerstaovendj oppe tillevisie. En höbtj gae auch gezeen woëdê zien handj waas, tiedens 't optraeje met Amy Schilder? Dae Andre, dêt is mich eine slown

\*\*\*\*\*

## Jacht op dirigent!!!

Toen wae looze inne gezèt, zeen wae toch eefe good gesjrooke. Hieëremins dachte wae, môt Dirke Crisje noeë gaon sjeete op Tonny, Leon, Leon, Jan, Paul en Fer? en Wooroom? Mer toen wae dêt bericht ins te gooj looze, toen kwoome wae der achter, dêt 't ging oom belasting geldj. Eavegood is dit toch ein kwaoj zaak veur oos boveste beste leiders inne muziekwaereldj. Wae gaon der neet gruuets op, dêt ze met hun gezelsjappe altieëd zieër hoeëg inne priese valle.

Mer as ze dêt der door wille duueje, den trèkke wae massaal nao Den Haag, met nog eine dirigent, oos aller Theo vanne Eller muziekante. Wae zulle ze den dao ins ein poepje laote ruueke. Ieërst de sjutteriej, en den noeë auch nog oos muziekminse koome, allee!!!! Dêt geit zoomer neet

\*\*\*\*\*



## Wis djer al

- Dêt Tjeu vanne Kaolder neet waetj, dêt ze sunjes saoves kuuekes laaje bie j Tjeu vanne Wer.
- Dêt Jantje ein pen heet van f 28,30 die sjrief tj bove water, onger water en everal op.
- Dêt Lewie de Belsj eine hieële nôte Belsje stier inne hoof heet gadj.
- Dêt dae stier auch bie Lèn en Leentje is gewaest.
- Dêt Tjeu vanne Wer nog altied bie 't Kêrkkoeër is.
- Dêt daezelfdje Tjeu vanne Wer hieël good kan kruuse.
- Dêt de fieëstaovendj vanne vrouwebondj geslaagd j is
- Dêt Sjeng vanne Bekker ein noeëw leedje zong inne kêrk, dêt volgdje op "Wij zjm samen onderweg" alleluja "Wae hōbbe same handepech" alleluja.
- Dêt der dêt leedje helop zong inne mès vanne vrouwebondj.
- Dêt der dêt pas inne gaate haaj, wie ze rondj om hum begoste te lache.
- Dêt ze oppe zelfdje fieëstaovendj auch eine hieëre-dans haaje.
- Dêt Zef vanne Slechter toen dansdje met ein handj veur zien vot.



Eine naam is auch neet alles:

is verbij

Ein menke wurdjt veer jaor en maag dus nao de bewaarschoeël. Same met zien moeder geit der nao juffrouw Iet. En jungske zèk mer ins wie dèt ze haets, zeet de juffrouw. Paultje Schreurs juf, mer as djer Paultje Tup op mich rooptj, den loeëster ich auch. Zonne Paultje!!!

\*\*\*\*\*

Kwaaj oma, erme opa.



Kareltje kumtj bie j oma, en zuuet de kerstboom vol ingelehaor hange en vreugtj toen hieël benauwdj. Oma waat hóbste met opa zien haor gedaon? Mer oma kost hum gefustj stelle. Jungske zag ze, alles waat der is, mer beslistj geine ingel, dae opa van dich.

\*\*\*\*\*

Wis djer al

- Dèt dae verleegdje mast bie j Pietje vanne werktuige, knap nog hoeëger is as dèt geval op 't industrieterrein.
- Dèt oos beugelbaan oppe televisie is gewaestj.
- Dèt Jeanne vanne Kaolder auch te zeen waas op de bieëldbuis.

Mer die opname van Jaenne waas neet vanne beugelbaan, mer kwaam vanoet 't zekenhoeës.


- Dèt allein Har vanne Tup ze kost kinne waak doe kost allein heure mondj zeen.



Bindjer nog neet net genôg?

den nao

"JEANNE"



Tjeu... Mien

DRàààànk V

